



La Banca Chantunala Grischuna è neutrala al clima

Cuira, ils 21 da matg 2015 – En il rom da sia strategia da persistenza reducescha la Banca Chantunala Grischuna (BCG) cuntinuadamain sia impronta ecologica. Ella persequitescha finamiras cleras ed ambiziusas en connex cun il clima. Ina da questas finamiras – numnadamain d'esser neutrala al clima – ha ella ussa cuntanschì.

Per cuntanscher las atgnas finamiras vul la BCG en emprima lignia evitar resp. sminuir emissiuns da gas cun effect da serra directas ed indirectas. Tranter auter è la finamira da las sminuir per 40 pertschient fin l'onn 2025 en confrunt cun l'onn da basa 2010. Segunda prioritad ha la reduziun d'emissiuns cun investir en projects en favur dal clima da la fundaziun svizra myclimate. Il 2015 ha la BCG cumpensà las 1'270 tonnas gas cun effect da serra da l'onn precedent. Quai correspunda a las emissiuns da stgaudaments da 583 abitaziuns da minergia d'in onn. Uschia cuntanscha la BCG sia finamira en connex cun la neutralitad climatica per il 2015.

La BCG dovra 100 pertschient forza electrica ecologica

Per ses basegn d'energia direct tira la Banca Chantunala Grischuna a niz energias regenerablas ed augmenta sia efficienza energetica. Quai cuntanscha ella cun in management d'energia activ ed ina meglieraziun successiva concernent la tecnica d'energia d'edifizis ed indrizs d'infrastructura. Il consum da forza electrica da la banca vegn cuvert oz cumplettaimain cun forza electrica da funtaunas d'energia regenerablas.

Ulteriuras infurmaziuns en connex cun la strategia da persistenza da la BCG èn disponibilas sin www.gkb.ch/nachhaltigkeit u en il [rapport annual](#) actual.

A Vossas dumondas respunda gugent:

hans.peter.buerge@gkb.ch

Manader Infrastructura | +41 81 256 93 78

Il sector Marketing & communicaziun As gida gugent a cuntanscher il pli svelt pussaivel Vossa persuna da contact:

As drizzai a plutarch.chiotopulos@gkb.ch | +41 81 256 83 13

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per personas privatas, l'economia ed il maun public. La banca occupa l'070 collavuraturas e collavuratur (stadi dals 31-12-2014). En il chantun Grischun cun sias numerusas vals e pliras linguas, è l'interpresa represchentada cun 63 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 20,591 milliardas in gudogn brut consolidà da CHF 207,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2015:	31 da fanadur 2015
Radunanza dals participants:	19 da mars 2016